

摘藻堂四庫全書薈要

集部

欽定四庫全書蒼要卷一萬七千五百九十一集部

御定全唐詩卷一百八十六

韋應物

韋應物京兆長安人少以三衛郎事明皇晚更折節讀書永泰中授京兆功曹遷洛陽永大歷十四年自鄆令制除櫟陽令以疾辭不就建中三年拜比部員外郎出為滁州刺史久之調江州追赴闕改左司郎中復出為蘇州刺史應物性高潔所在焚香掃地而坐唯顧況劉

長卿丘丹秦系皎然之儔得廁賓客與之酬倡其詩閒澹簡遠人比之陶潛稱陶韋云集十卷今編詩十卷

擬古詩十二首

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車背鄉園朔風一作吹卷行迹嚴冬霜斷肌日入不遑息憂歡一作容容一作客髮變寒暑人事易中心君詎知冰玉徒

貞白

黃鳥何關關幽蘭亦靡靡此時深閨婦日照紗

一作窓綺

裏娟娟雙青娥微微啓玉齒自惜桃李年誤身遊俠子  
無事久離別不知今生死

峩峩高山巔澆澆青川流世人不自悟馳謝如驚風颯百

金非所重厚意良難得旨酒親與朋芳年樂京國京城  
繁華地軒蓋凌晨出垂楊十二衢隱映金張室漢宮南

北對飛觀齊白日游泳屬芳時

一云遊冶詠康時

平生自云畢

綺樓何氛氲朝日正杲杲四壁含清風丹霞射其牖玉

顏上哀嚙絕耳非世有但感離恨情不知誰家婦孤雲  
忽無色邊馬為回首曲絕碧天高餘聲散秋草徘徊帷  
中意獨夜不堪守思逐朔風翔一去千里道

嘉樹藹初綠蘼蕪吐幽芳君子不在賞寄之雲路長路  
長信難越惜此芳時歇孤鳥去不還緘情向天末

月滿秋夜長驚鳥號北林天河橫未落斗柄當西南寒  
蛩悲洞房好鳥無遺音商飈一夕至獨宿懷重衾舊交

日一作千里隔我浮與沈人生豈草木寒暑移此心

酒星非所酌月桂不為食虛薄空有名為君長歎息  
蕙雖可懷芳香與時息豈如凌霜葉歲暮藹顏色折柔  
將有贈延意千里客草木知賤微所貴寒不易

神州高爽地遐瞰靡不通寒月野無綠寥寥天宇空陰  
陽不停馭貞脆各有終汾沮何鄙儉考槃何退窮反志  
解牽跼無為尚勞躬美人奪南國一笑開芙蓉清鏡理  
容一作雲髮塞簾出深重豔曲呈皓齒舞羅不堪風慙慙  
情有待贈芳為我容可嗟青樓月流影君帷中

春至林木變洞房夕含清單居誰能裁好鳥對我鳴良  
人久燕趙新愛移平生別時雙鴛綺留此千恨情碧草  
生舊迹綠琴歇芳聲思一作願將魂夢歡反側寐不成攬  
衣迷所次起望空前庭一云攬衣迷處所夕起望前庭孤影中自惻不  
知雙涕零

秋天無留景萬物藏光輝落葉隨風起一作遠愁人獨何

依華一作明月屢圓缺君還浩無期如何雨絕天一云如何雲雨

絕

一去音問

一作塵

違

有客天一方寄我孤桐琴迢迢萬里隔託此傳幽音冰

霜中自結龍鳳相與吟絃以明直道

一云絃以昭清直

漆以固

一作交深

白日淇上没空閨生遠愁寸心不可限淇水長悠悠芳

樹自妍芳

一云自交結又云房樹正妍鬱

春禽自相求徘徊東西廂孤

妾誰與儔年華逐絲淚一落俱不

一作難收

### 雜體五首

沈沈匣中鏡為此塵垢蝕輝光何所如月在雲中黑南



金既雕錯鞶帶共輝飾空存

一作有

鑿物名坐使妍蚩惑

美人竭肝膽思照冰玉色自非磨瑩工日日空嘆息

古宅

一作宇

集祆鳥羣號枯樹枝黃昏窺人室鬼物相與

期居人不安寢搏擊思此時豈無鷹與鷂飽肉不肯飛

既乖逐鳥節空養凌雲姿孤負肉食恩何異城上鷓

春羅雙鴛鴦出自寒夜女心精烟霧色指歷千萬緒長

安貴豪家

一作室

妖艷不可數裁此百日功惟將一朝舞

舞罷復裁新豈思勞者苦

同聲自相應體質不必齊誰知賈人鐸能使大

一作音

樂

諧鏗鏘發宮徵和樂變其哀人神既昭享鳳鳥

一作皇

亦

下來豈非至賤物一奏升天階物情苟有合莫問玉與泥

碌碌荆山璞卞和獻君門荆璞非有求和氏非有恩所

獻知國寶至公不待言是非吾

一作語

欲默此道今豈存

與友生野飲效陶體

攜酒花林下前有千載墳於時不共酌奈此泉下人始

自翫芳物行當念徂春聊舒遠世蹤坐望還山雲且遂  
一歡笑焉知賤與貧

效何水部二首

玉宇含清

一作秋

露香籠散輕烟應當結沈抱難從茲夕眠

夕漏起遙恨蟲響

一作鴻音

亂秋陰反覆相思字中有故人

心

效陶彭澤

霜露悴百草時菊獨妍華物性有如此寒暑其奈何掇

英泛濁醪日入會田家盡醉茅簷下一生豈在多

大梁亭會李四栖梧作

梁王昔愛才千古化不泯

平聲

至今蓬池上遠集八方賓

車馬平明合城郭滿埃塵逢君一相許豈要平生親入

仕三十載如何獨未伸英聲久籍籍臺閣多故人置酒

發清彈相與

一作將

樂佳辰孤亭得長望白日下廣津富

貴良可取

一作求

竭來西入秦秋風旦夕起安得客梁陳

燕李錄事

與君十五侍皇闈，曉拂爐煙上赤墀。  
花開漢苑經過處，雪下驪山沐浴時。  
近臣零落今猶在，仙駕飄飄不可期。  
此日相逢一作逢君思一作非舊日一杯成喜亦一作又成悲。

淮上喜會梁川故人

江漢曾為客，相逢每醉還。  
浮雲一別後，流水十年間。  
歡笑情如舊，蕭疎鬢已斑。  
何因一作不因北一作有歸去淮上對

秋山

揚州偶會前洛陽，盧耿主簿

應物頃貳洛陽常有連騎之遊

楚塞故人稀相逢本不期猶存袖裏字忽怪鬢中絲客  
舍盈樽酒江行滿篋詩更能連騎出還似洛橋時

賈常侍林亭燕集

高賢侍天陛

一作階

跡顯心獨幽朱軒鶩開右池館在東

周繚繞接都城氤氳望嵩丘羣公盡詞客方駕永日遊  
朝旦氣候佳逍遙寫煩憂綠林鶻已布華沼澹不流沒  
露摘幽草涉烟翫輕舟圓荷既出水廣廈可淹留放神  
遺所拘觥罰屢見酬樂燕良未極安知有沈浮醉罷各

云散何當復相求

月下會徐十一草堂

空齋無一事岸幘故人期  
暫輟觀書夜還題玩月詩  
遠鐘高枕後清露捲簾時  
暗覺新秋近殘河欲曙遲

移疾會詩客元生與釋子法朗因貽諸祠曹

對此嘉樹林獨有戚戚顏  
抱瘵知曠職淹旬非樂閒  
釋子來問訊詩人亦扣關  
道同意一作適暫遣客散疾徐還

園徑自幽靜玄蟬噪其間  
高牕瞰遠郊暮色起秋山  
英

曹幸休暇悵悵一作悵悵心所攀

慈恩伽藍清會

素爰俱薄世屢招清景賞鳴鐘悟音聞宿昔心已往重

門相洞達高宇亦遐一作朗嵐嶺曉城分清陰夏條長

一作清條氤氛芳臺馥蕭散竹池廣平荷隨波泛迴飈

激林響蔬食遵道侶泊懷遺滯想何彼塵昏人區區在

天壤

夜偶詩客操公作



塵襟一瀟灑清夜得禪公遠自鶴林寺了知人世空驚禽翻暗葉流水注幽叢多謝非玄度聊將詩興同

與韓庫部會王祠曹宅作

閒一作開門蔭堤柳秋渠含夕清微風送荷氣坐客散塵

纓守默共無恡抱冲俱寡營良時頗高會琴酌共開情  
晦日處士叔園林燕集

遽看萸葉盡坐闕芳年賞賴此林下期清風滌煩想始萌動新煦佳禽發幽響嵐嶺對高齋春流灌蔬壤樽酒

遺形迹道言屢開獎幸蒙終夕懽聊用稅歸鞅

扈亭西陂燕賞

杲杲朝陽時悠悠清陂望嘉樹始氤氳春遊方浩蕩  
況逢文翰侶愛此孤舟漾綠野際遙波橫雲分疊嶂  
公堂日為倦幽襟自茲曠有酒今滿盈願君盡弘量

西郊燕集

濟濟衆君子高宴及時光羣山靄遐矚綠野布熙陽  
列坐遵曲岸披襟襲蘭芳野庖薦嘉魚激澗泛羽觴  
衆鳥

鳴茂林綠草延高岡盛時易徂謝浩思坐飄颺眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢遞賓筵接時彥樂燕凌芳歲稍愛清觴滿仰歎高文麗欲去返郊扉端為一歡滯

滁州園池燕元氏親屬

日暮遊清池疎林羅一作籠高天餘綠飄霜露夕氣變風

烟水門架危閣竹亭列廣筵一展私姻禮屢歎芳樽前  
感往在茲會傷離屬頽年明晨復云去且願此流連

郡樓春燕

衆樂雜軍鞞高樓邀上客思逐花光亂賞餘山景夕為  
郡訪彫瘵守程難損益聊假一杯歡暫忘終日迫

南塘泛舟會元六昆季

端居倦時燠輕舟泛迴塘微風飄襟散橫吹繞林長雲  
澹水容夕雨微荷氣涼一寫惰勤意

一云川  
上意

寧用訴

一作

計華觴

郡齋雨中與諸文士燕集

兵衛森畫戟宴寢凝清香海上風雨至逍遙池閣涼煩

痾近一作正消散嘉賓復滿堂自慙居處崇未覩斯民康

理會是非遣性達形迹忘鮮肥屬時禁蔬菓幸見嘗俯

飲一杯酒仰聆金玉章神歡體自輕意欲凌風一作雲翔

吳中盛文史羣彥今汪洋方知大藩地一作盛豈曰財賦

疆一作強

軍中冬燕

滄海已云晏皇恩猶念勤式燕徧恒秩柔遠及斯人茲  
邦實大藩伐鼓軍樂陳是時冬服成戎士氣益振虎竹  
謬朝寄英賢降上賓旋罄周旋禮媿無海陸珍庭中九  
劍闌堂上歌吹新光景不知晚觥酌豈言頻單醪昔所  
感大醪況同忻顧謂軍中士仰答何由伸

司空主簿琴席

烟華方散薄蕙氣猶含露澹景發清琴吟幽期默立

一作

云悟流連白雪意斷續迴風度掩抑雖已終忡忡在幽  
素

與邨老對飲

鬢眉雪色猶嗜酒言辭淳朴古人風鄉村年少生離亂  
見話先朝如夢中

御定全唐詩卷一百八十六

欽定四庫全書  
養要卷一萬七千五百九十二

集部

御定全唐詩卷一百八十七

韋應物

城中卧疾知閻薛二子屢從邑令飲因以贈之

車一作良馬日蕭蕭胡不枉一作在我廬方來從令飲卧病

獨何如秋風起漢江一作江臯開戶望平蕪即此恹一作稀音

素一作表馬知中密疎渴者不思火寒者不求水人生羈

寓一作旅時去就當如此猶希心異跡一作從利春春存終始



聽嘉陵江水聲寄深上人

鑿崖泄奔湍稱古神禹跡夜喧山門店獨宿不安席水

性自云

一作為

靜石中本無聲如何兩相激雷轉空山驚

貽之道門舊

一作友

了此物我情

高陵書情寄三原盧少府

直方難為進守此微賤班開卷不及顧沈埋案牘間兵

凶久

一作互

相踐徭賦豈得閒促戚下可哀寬政身致患

日夕思自退出門望故山君心儻如此攜手相與還

假中對雨呈縣中僚友

卻足甘

堪一作

為笑閒居夢杜陵殘鶯知夏淺社

一作雨時

報年登流麥非關忘收書獨不能自然憂曠職緘此謝

良朋

贈蕭河南

厭劇辭京縣褒賢待詔書鄮侯方繼業潘令且閒居霽  
後三川冷秋深

一作餘

萬木疎對琴無一事新興復何如

示從子河南尉班并序

永泰中余任洛陽丞以撲扶軍騎時從子河南尉  
班亦以剛直為政俱見訟於居守因詩示意府縣  
好我者豈曠斯文

拙直余恒守公方爾所存同占朱鳥尅俱起小人言立  
政思懸捧謀身類觸藩不能林下去祇戀府廷恩

趨府候曉呈兩縣僚友

趨府不遑安中宵出戶看滿天星尚在近壁燭仍一作猶

殘立馬頻驚曙垂簾却避寒可憐同宦者應一作始悟下

流難

贈李儋

絲桐本異質音響合

一作今

自然吾觀造化意二物相因

緣誤觸龍鳳嘯靜聞寒夜泉心神自安宅煩慮頓可捐  
何因知久要絲白漆亦堅

贈盧嵩

百川注東海東海無虛盈泥滓不能濁澄波非益清恬  
然自安流日照萬里晴雲物不隱象三山共分明奈何

疾風怒忽若砥柱傾海水雖無心洪濤亦相驚怒號在  
倏忽誰識變化情

寄馮著

春雷起萌蟄土壤日已疎胡能遭盛明才俊伏里閭偃  
仰遂真性所求惟斗儲披衣出茅屋盥漱臨清渠吾道  
亦自適退身保玄虛幸無職事牽且覽案上書親友各  
馳騫誰當訪敝廬思君在何夕明月照廣除

早春對雪寄前殿中元侍御

掃雪開幽徑端居望故人猶殘臘月酒更值早梅春幾  
日東城陌何時曲水濱聞閒且共賞莫待繡衣新

贈王侍御

心同野鶴與塵遠詩似冰壺見底清府縣同趨昨日事  
升沈不改故人情上陽秋晚蕭蕭雨洛水寒來夜夜聲  
自歎猶為折腰吏一作客可憐驄馬路傍行

將往江淮寄李十九僖

余自西京至李又發河洛同道不遇

鷺鷥東向來文鴈亦西飛如何不相見羽翼有高卑徘徊

迴到河洛華屋未及窺秋風飄我行遠與淮海期迴首  
隔煙霧遥遥兩相思陽春自當返短翮欲追隨

自鞏洛舟行入黃河即事寄府縣僚友

夾水蒼山路向東東南山豁大河通寒樹依微遠天外  
夕陽明滅亂流中孤村幾歲臨伊岸一鴈初晴下朔風  
為報洛橋遊宦侶扁舟不繫與心同

寄盧庾

悠悠遠離別分此歡會難如何兩相近反使心不安亂

髮思一櫛垢衣思一浣協韻豈如望友生對酒起長嘆時  
節異京洛孟冬天未寒廣陵多車馬日夕自遊盤獨我  
何耿耿非君誰為歡

發廣陵留上家兄兼寄上長沙

將違安可懷宿戀復一方家貧無舊業薄宦各飄颻執  
板身有屬淹時心恐惶拜言不得留聲結淚滿裳漾漾  
動行舫亭亭遠相望離晨苦須臾獨往道路長蕭條風  
雨過得此海氣涼感秋意已違況自結中腸推道固當



遣及情豈所忘何時共還歸舉翼鳴春陽

初發揚子寄元大校書

悽悽去親愛泛泛入煙霧歸棹洛陽人殘鐘廣陵樹今  
朝此為別何處還相遇世事波上舟汭洄安得住

淮上即事寄廣陵親故

前舟已眇眇欲渡誰相待秋山起暮鐘楚雨連滄海風  
波離思滿一作遠宿昔容鬢改獨鳥下東南廣陵何處在

寄洪州幕府盧二十一侍御

自南昌令拜  
頃同官洛陽

忽報南昌令乘驄入郡城同時趨府客此日望塵迎  
文苑臺中妙冰壺幕下清洛陽相去遠猶使故林榮

經少林精舍寄都邑親友

息駕依松嶺高閣一攀緣前瞻路已窮既詣喜更延出  
嶽聽萬籟入林濯幽泉鳴鐘生道心暮磬一作鶴空雲煙

獨往雖暫適多累終見牽方思結茅地歸息期暮年  
送長源歸南徐寄子西子烈有道

東洛何蕭條相思邈遐路策駕復誰遊入門無與晤一作

出入亦無晤

還因送歸客達此絨中素屢咲心所歡豈得顏

如故所歡不可咲嚴霜晨淒淒如彼萬里行孤妾守空  
閨臨觴一長嘆素欲何時諧

雪中聞李儋過門不訪聊以寄贈

度門能不訪冒雪屢西東已想人如玉遙憐馬似驄乍  
迷金谷路稍變上陽宮還比相思意紛紛正滿空

同德精舍養疾寄河南兵曹東廳掾

逍遙東城隅雙樹寒葱蒨廣庭流華月高閣凝餘霞杜

門非養素抱疾阻良讌孰謂無他人思君歲云變官曹  
亮先忝陳躅慙俊彥豈知晨與夜相代不相見緘書問  
所如一作知訓藻當芬綯

同德寺雨後寄元侍御李博士

川上風雨來須臾滿城闕峒堯青蓮界一作宇蕭條孤興

發前山遽已淨陰靄夜來歇喬木生夏涼流雲吐華月  
巖城自有限一水非難越相望曙河一作何遠高齋坐超

忽

同德閣期元侍御李博士不至各投贈二首

庭樹忽已暗故人那

一作何

不來祇因厭煩暑永日坐霜臺

官榮多所繫閒居亦愆期高閣猶相望青山欲暮時

使雲陽寄府曹

夙駕祇府命冒炎不遑息百里次雲陽閭閻問漂溺上天屢憊氣胡不均寸澤仰瞻喬樹顛見此洪流跡良苗免湮沒蔓草生宿昔頽墉滿故墟喜返將安宅周旋涉塗潦側峭緣溝脉仁賢憂斯民賤子甘所役公堂衆君

子言笑思與覲

過扶風精舍舊居簡朝宗巨川兄弟

佛剎出高樹晨光閭井中年深念陳迹迨此獨忡忡零  
落逢故老寂寥悲草蟲舊宇多改構幽篁延本藜栖止  
事如昨芳時去已空佳人亦攜手再往今不同新文聊  
感舊想子意無窮

贈令狐士曹

自八月朔旦同使藍田淹留涉季  
事先半日而不相待故有戲贈

秋簷

一作霜

滴滴對牀寢山路迢迢聯騎行到家俱及東

籬菊何事先歸半日程

贈馮著

契濶仕兩京念子亦飄蓬  
方來屬追往十載事不同  
歲宴乃云至微褐還未充  
慘悽遊子情風雪自關東  
華觴發懽顏喜藻播清風  
始此盈抱恨曠然一夕中  
善蘊豈輕售懷才希國工  
誰當念素士零落歲華空

對雨寄韓庫部協

颯至池館涼靄然和曉霧  
蕭條集新荷氤氳散高樹  
閒

居興方澹默想心已屢暫出仍濕衣況君東城住

寄子西

夏景已難度懷賢思方續喬樹落疎陰微風散煩燠傷  
離枉芳札忻遂見心曲藍上舍已成田家雨新足託鄰  
素多欲一作願殘帙猶見束日夕上高齋但望東原綠

縣內閒居贈溫公

滿郭春色嵐已昏鷓栖散吏掩重門雖居世網常清淨  
夜對高僧無一言



對雪贈徐秀才

靡靡寒欲收，靄靄陰還結。晨起望南端，千林散春雪。妍  
光屬瑤階，亂緒陵新節。無為掩扉卧，獨守袁生轍。

西郊遊宴寄贈邑僚李巽

升陽暖春物，置酒臨芳席。高宴闕英僚，衆賓寡懽懌。是  
時尚多壘，板築興頽壁。羈旅念越疆，領徒方祗役。如何  
嘉會日，當子憂勤夕。西郊鬱已茂，春嵐重如積。何當返  
徂雨，雜英紛可惜。

對雨贈李主簿高秀才

邈迤曙雲薄散漫東風來青山滿春野微雨灑輕埃吏  
局勞佳士賓筵得上才終朝狎文墨高興共徘徊

休沐東還胄貴里示端

宦遊三十載田野久已疎休沐遂茲日一來還故墟山  
明宿雨霽風煖百卉舒泓泓野泉潔熠熠林光初竹木  
稍摧翳園場亦荒蕪俯驚鬢髮已衰周覽昔所娛存沒惻  
私懷邈變傷里閭欲言少留心中復畏簡書世道良自

退榮名亦空虛與子終攜手歲宴當來居

朝請後還邑寄諸友生

宰邑分旬服夙駕朝上京是時當暮春休沐集友生抗  
志青雲表俱踐高世名樽酒且歡樂文翰亦縱橫良遊  
昔所希累讎夜復明晨露含瑤琴夕風頌素英一旦遵  
歸路伏軾出京城誰言再念別忽若千里行間一作閣  
寡喧訟端居結幽情況茲晝方永展轉何由平

澧上西齋寄諸友

七月中善福  
之西齋作

絕岸臨西野曠然塵事遙清川下邈迤茅棟上岩堯翫  
月愛佳夕望山屬清朝俯砌視歸翼開襟納遠颺等陶  
辭小秩效朱方負樵閒遊忽無累心跡隨景超明世重  
才彥雨露降丹霄羣公正雲集獨子忻寂寥

獨遊西齋寄崔主簿

同心忽已別昨事方成昔幽徑還獨尋綠苔見行跡秋  
齋正蕭散煙水易昏夕憂來結幾重非君不可釋

紫閣東林居士叔絨賜松英丸捧對忻喜益非

塵侶之所當服輒獻詩代啓

碧澗蒼松五粒稀侵雲采去露沾衣夜啓羣仙合靈藥  
朝思俗侶寄將歸道場齋戒今初服人事常羶已覺非  
一望嵐峰拜還使腰間銅印與心違

秋集罷還途中作謹獻壽春公黎公

束帶自衡門奉命宰王畿君侯枉高鑒舉善掩瑕疵斯  
民本已安工拙兩無施何以酬明德歲晏不磷緇時節  
乃來集欣懷方載馳平明大府開一得拜光輝温如春

風至肅若嚴霜威羣屬所載瞻而忘倦與飢公堂燕華  
筵禮罷復言辭將從平門道憇車澧水滑山川降嘉歲  
草木蒙潤滋孰云還本邑懷戀獨遲遲

閒居贈友

補吏多下遷罷歸聊自度園廬既蕪沒煙景空澹泊閒  
居養痾瘵守素甘葵藿顏髮日衰耗冠帶亦寥落青苔  
已生路綠筠始分籜夕氣下遙陰微風動疎薄草玄良  
見詣杜門無請託非君好事者誰來

一作能顧寂寞

四禪精舍登覽悲舊寄朝宗巨川兄弟

蕭散人事憂迢遰古原行春風日已暄百草亦復生躋  
閣謁金像攀雲造禪扃新景林際曙雜花川上明徂歲  
方緬邈陳事尚縱橫溫泉有佳氣馳道指京城攜手思  
故日山河留恨情存者邈難見去者已冥冥臨風一長  
慟誰畏一作行路驚

善福閣對雨寄李儋幼遐

飛閣凌太虛晨躋鬱崢嶸驚颺觸懸檻白雲冒層甍太

陰布其地密雨垂八紘仰觀固不測俯視但冥冥感此  
窮秋氣沈鬱命友生及時策高步羈旅遊帝京聖朝無  
隱才品物俱昭形國士秉繩墨何以表堅貞寸心東北  
馳思與一會并我車夙已駕將逐晨風征郊塗住成淹  
默默阻中情

寺居獨夜寄崔主簿

幽人寂不一作無寐木葉紛紛落寒雨暗深更流螢度高

閣坐使青燈曉還傷夏衣薄寧知歲方晏離居更蕭索



九日澧上作寄崔主簿倬二李端繫

淒淒感時節望望臨澧渚翠嶺明華秋高天澄遙潯川  
寒流愈迅霜交物初委林葉索已空晨禽迎颺起時菊  
乃盈泛濁醪自為美良遊雖可娛殷念在之子人生不  
自省營欲無終已孰能同一酌陶然冥斯理

西郊養疾聞暢校書有新什見贈久佇不至先  
寄此詩

養病愜清夏郊園敷卉木  
牕夕一作戶含澗涼雨餘愛筠

綠披懷始高詠對琴轉幽獨仰子遊羣英吐詞如蘭馥  
還聞枉嘉藻佇望延昏旭惟見草青青閉戶澧水曲

澧上寄幼遐

寂寞到城闕惆悵返柴荆端居無所為念子遠徂征夏  
晝人已息我懷獨未寧忽從東齋起兀兀尋澗行  
窺望叢榛密披翫孤花明曠然西南望一極山水情周覽同  
遊處逾恨阻音形壯圖非旦夕君子勤令名勿復久留  
燕蹉跎在北京

善福精舍示諸生

湛湛嘉樹陰，清露夜景沈。  
悄然羣物寂，高閣似陰岑。  
方以玄默處，豈為名跡侵。  
法妙一作泛如不知歸，獨此抱冲襟。  
齋舍無餘物，陶器與單衾。  
諸生時列坐，共愛風滿林。

晚出澧上贈崔都水

臨流一舒嘯，望山意轉延。  
隔林分落景，餘霞明遠川。  
首起趣東作，已看耘夏田。  
一從民里居，歲月再徂遷。  
昧質得全性，世名良自牽。  
行忻攜手歸，聊復飲酒眠。

寓居澧上精舍寄于張二舍人

萬木藂雲出香閣西連碧澗竹林園高齋猶宿遠山曙  
微霰下庭寒雀喧道心淡泊對流水生事蕭疎空掩門  
時憶故交那得見曉排閭闔奉明恩

開元觀懷舊寄李二韓二裴四兼呈崔郎中嚴  
家令

宿昔清都燕分散各西東車馬行跡在霜雪竹林空方  
軫故物念誰復一樽同聊披道書暇還此聽松風

春日郊居寄萬年吉少府中孚三原少府偉夏  
侯校書審

谷鳥時一囀田園春雨餘光風動林早高牕照日初獨  
飲澗中水吟咏老氏書城闕應多事誰憶此閒居

澧上醉題寄滌武

芳園知夕燕西郊已獨還誰言不同賞俱是醉花間

西郊期滌武不至書示

山高鳴過雨澗樹

一作林澗

落殘花非關春不待當由期自

賒

澧上對月寄孔諫議

思懷在雲闕，泊素守中林。出處雖殊跡，明月兩知心。

將往滁城戀新竹，簡崔都水示端。

停車欲去繞叢竹，偏愛新筠十數竿。莫遣兒童觸瓊粉，  
留待幽人迴日看。

還闕首途寄精舍親友

休沐日云滿，冲然將罷觀。嚴車候門側，晨起正一作朝整。

冠山澤含餘雨川澗注驚湍攬轡遵東路

一作登前路

回首

一長嘆居人已不見高閣在林端

秋夜南宮寄澧上弟及諸生

暝色起煙閣沈抱積離憂況茲風雨夜蕭條梧葉秋空  
宇感涼至頽顏驚歲周日夕遊闕下山水憶同遊

途中書情寄澧上兩弟因送二甥却還

華簪豈足戀幽林徒自違遙知別後意寂寞掩郊扉迴  
首昆池上更羨爾同歸

雪夜下朝呈省中一絕

南望青山滿禁闈  
曉陪鴛鴦正差池  
共愛朝來何處雪  
蓬萊宮裏拂松枝



御定全唐詩卷一百八十七

欽定四庫全書會要卷一萬七千五百九十三

集部

御定全唐詩卷一百八十八

韋應物

寄柳州韓司戶郎中

達一作遠識與昧機智殊迹同靜於焉得攜手屢賞清夜

景瀟灑陪高詠從容羨華省一逐風波遷南登桂陽嶺

舊里門空掩歡一作新遊事皆屏悵望城闕遙幽居時序

永春風吹百卉和煦變問井獨悶終日眠篇書不復省

惟當望雨露霑子荒遐境

寄令狐侍郎

三山有瓊樹霜雪色逾新始自風塵交中結綢繆姻西  
掖方掌誥南宮復司春夕燕華池月朝奉玉階塵衆寶  
歸和氏吹噓多俊人羣公共然諾聲問邁時倫孤鴻既  
高舉鷺雀在荆榛翔集且不同豈不欲殷勤一旦遷南  
郡江湖渺無垠寵辱良未定君子豈緇磷寒暑已推斥  
別離生苦辛非將會面目書札何由申

閒居寄端及重陽

山明野寺曙鐘微，雪滿幽林人跡稀。  
閒居寥落生高興，無事風塵獨不歸。

園林晏起寄昭應韓明府盧主簿

田家已耕作，井屋起晨煙。  
園林鳴好鳥，閒居猶獨眠。  
不覺朝已晏，起來望青天。  
四體一舒散，情性亦忻然。  
還復茅簷下，對酒思數賢。  
束帶理官府，簡牘盈目前。  
當念中林賞，覽物遍山川。  
上非遇明世，庶以道自全。

寄大梁諸友

分竹守南譙，弭節過梁池。雄都衆君子，出餞擁河湄。燕  
謔始云洽，方舟已解維。一為風水便，但見山川馳。昨日  
次睢陽，今夕宿符離。雲樹愴重疊，烟波念還期。相敦在  
勤事海內，方勞師

新秋夜寄諸弟

兩地俱秋夕，相望共

一作在

星河高梧一葉下，空齋歸思

多方用。憂人瘼，況自抱微疴。無將別來近，顏鬢已蹉跎。

郊園聞蟬寄諸弟

去歲郊園別聞蟬在蘭省今歲卧南譙蟬鳴歸路永夕

響依山谷餘悲散秋景

一作餘聲  
發秋嶺

緘書報此時

一作此  
遠景

心方耿耿

寄中書劉舍人

雲霄路竟別中年跡暫同比翼趨丹陛連騎下南宮佳  
詠邀清月幽賞滯芳藜迨予一出守與子限西東晨露  
方愴愴

蒼

一作

離抱更忡忡忽睹九天詔秉綸歸國工玉

座浮香氣秋禁散涼風應向橫門度

一作旁

環珮杳玲瓏

光輝恨未矚歸思坐難通蒼蒼松桂姿想在掖垣中

郡齋感秋寄諸弟

首夏辭舊國窮秋卧滁城方如昨日別忽覺徂歲驚高

閣收烟霧池水晚澄清

一作明

戶牖已淒爽晨夜感深情

昔遊郎署間是月天氣晴

一作清

授衣還西郊曉露田中

一作野

行采菊投酒中昆弟自同傾簪組聊掛壁焉知有

世榮一旦居遠郡山川間音形大道庶無累及茲念已

盈

郡中對雨贈元錫兼簡楊凌

宿雨冒空山空城響秋葉沈沈暮色至淒淒涼氣入蕭  
條林表散的礫荷上集夜霧著衣重新苔侵履濕遇茲  
端憂日賴與嘉賓接

冬至夜寄京師諸弟兼懷崔都水

理郡無異

一作美

政所憂在素餐徒令去京國羈旅當歲

寒子

一作玄

月生一氣陽景極南端已懷時節感更抱別



離酸私燕席

夕一作

云罷還齋夜方闌  
邃幕沈空宇

一作月

孤燈照牀單  
應同茲夕念  
寧忘故歲歡  
川途恍悠邈  
涕下一闌干

元日寄諸弟兼呈崔都水

一從守茲郡  
兩鬢生素髮  
新正加我年  
故歲去超忽  
淮濱益時候  
了似仲秋月  
川谷風景溫  
城池草木發  
高齋屬多暇  
惆悵臨芳物  
日月昧還期  
念君何時歇

寄職方劉郎中

相聞二十載不得展平生一夕一作旦南宮遇卿用寫中

情端服光朝次羣烈慕

一作器

英聲歸來坐粉闥揮筆乃

縱橫始陪文翰遊歡燕難久并予因謬忝出君為沈疾  
嬰別離寒暑過在苒春草生故園茲日隔新禽池上鳴  
郡中永無事歸思徒自盈

社日寄崔都水及諸弟羣屬

山郡多暇日社時放吏歸坐閣獨成悶行塘閱清輝春  
風動高柳芳園掩夕扉遙思里中會心緒悵微微

寒食日寄諸弟

禁火暖佳辰念離獨傷抱見此野田花心思杜陵道聯

騎定

一作竟

何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花斂夕一作

色對酒始依依懷人還的的誰當曲水行相思尋舊跡

贈李儋侍御

風光山郡少來看廣陵春殘花猶待客莫問意中人

寄楊協律

吏散門閣掩烏鳴山郡中遠念長江別俯覺座隅空舟  
泊南池雨簟捲北樓風併罷芳樽燕為愴昨時同

郡齋贈王卿

無術謬稱簡素飡空自嗟秋齋雨成滯山藥寒始華渡  
落人皆笑幽獨歲逾賒唯君出塵意賞愛似山一作家

簡恒璨

室

一作  
堊

虛多涼氣

一作  
風

天高屬秋時空庭夜風雨草木

曉離披簡書日云曠文墨誰復持聊因遇澄靜一與道人期

閒居寄諸弟

秋草生庭白露時故園諸弟益相思盡日高齋無一事  
芭蕉葉上獨題詩

登樓寄王卿

踏閣攀林恨不同楚雲滄海思無窮數家砧杵秋山下  
一郡荆榛寒雨中

寄暢當

聞以子弟  
被召從軍

寇賊起東山，英俊方未閒。  
聞君新應募，籍籍動京關。  
出身文翰場，高步不可攀。  
青袍未及解，白羽插腰間。  
昔為瓊樹枝，一作姿今有風霜顏。  
秋郊細柳道，走馬一夕還。  
丈夫當為國，破敵如摧山。  
何必事州府，坐使鬢毛斑。

贈崔員外

一別十年事相逢，淮海濱還思洛陽。  
日更話府中人且對清觴滿，寧知白髮新。  
忽忽何處去，車馬冒風塵。

寄李儋元錫

去年花裏逢君別，今日花開已一年。  
世事茫茫難自料，春愁黯黯一作忽忽獨成眠。  
身多疾病思田里，邑有流亡愧俸錢。  
聞道欲來相問訊，西樓望月幾迴圓。

京師叛亂寄諸弟

弱冠遭世難，二紀猶未平。  
羈離官一作守遠，郡虎豹滿西

京。上懷犬馬戀，下有骨肉情。  
歸去在何時，流淚忽霑纓。  
憂來上北樓，左右但軍營。  
函谷行人絕，淮南春草生。  
鳥

鳴野田間思憶故園

一作里

行何當四海晏甘與齊民耕

贈琮公

山僧一相訪吏案正盈前出處似殊致喧靜兩皆

一作依

禪暮春華池宴清夜高齋眠此道本無得寧復有志筌

寄諸弟

建中四年十月三日京師兵亂自滁州間遣使明年興元甲子歲五月九日

使還作

歲暮兵戈亂京國帛書間道訪存亡還信忽從天上落

惟知彼此淚千行



寄恒璨

心絕去來緣跡

一作踵順一作斷

人間事獨尋秋草徑夜宿

寒山寺今日郡齋閒思問楞伽字

簡郡中諸生

守郡卧秋閣四面盡荒山此時聽夜雨孤燈照窗間樂  
園日蕪沒書帷長自閑惟當上客至論詩一解顏

寄全椒山中道士

今朝郡齋冷忽念山中客澗底束

一作采

荆薪歸來煮白

石欲持一瓢酒遠慰

一作寄

風雨夕落葉滿

一作遍

空山何

處尋行跡

寄釋子良史酒

秋山僧冷病聊寄三五杯應瀉山瓢裏還寄此瓢來

重寄

復寄滿瓢去定見空瓢來若不打瓢破終當費酒材

答釋子良史送酒瓢

此瓢今已到山瓢知己空且飲寒塘水遙將回也同

一作

遙知回  
也風

簡陟巡建三甥

盧氏生

忽羨後生連  
榻話獨依  
寒燭一齋空  
時流歡笑事  
從別把酒吟詩待爾同

覽襄子卧病一絕聊以題示

沈氏生全真

念子抱沈疾  
霜露變滌城  
獨此高窻下  
自然無世情

寄璨師

林院生夜色  
西廊上紗燈  
時憶長松下  
獨坐一山僧

寄盧陟

柳葉遍寒塘  
曉霜凝高閣  
累日此留連  
別來成寂寞

途中寄揚邈裴緒示褒子

永陽縣館中作

上宰領淮右下國  
屬星馳霧野  
騰曉騎霜竿  
裂凍旗  
蕭蕭  
蕭陟連岡  
莽莽望空陂  
風截鴈嘹唳  
雲參樹參差  
高齋  
明月夜中庭  
松桂姿當暎  
一酌恨況此  
兩旬期

宿永陽寄璨律師

遙知郡齋夜  
凍雪封松竹  
時有山僧來  
懸燈獨自宿

雪行寄褒子

浙瀝覆寒騎飄飄暗川容行子郡城曉披雲看杉松

寄裴處士

春風駐遊騎晚景澹山暉一問清冷子獨掩荒園扉  
草木雨來長里問人到稀方從廣陵宴花落未言歸

偶入西齋院示釋子恒燦

僧齋地雖密忘子跡要賒一來非問訊自是看山花

示全真元常

元常趙氏生

余辭郡符去爾為外事牽寧知風雪夜復此對牀眠始  
話南池飲更詠西樓篇無將一會易歲月坐推遷

寄劉尊師

世間在苒縈此身長望碧山到無因白鶴徘徊看不去  
遙知下有清都人

寄廬山梭衣居士

兀兀山行無處歸山中猛虎識梭衣俗客欲尋應不遇  
雲溪道士見猶稀

因省風俗與從姪成緒遊山水中道先歸寄示  
累宵同燕酌十舍攜征騎始造雙林寂遐搜洞府秘羣  
峰繞盤鬱懸泉仰特一作異陰壑雲松埋陽崖烟花媚  
每慮觀省牽中乖遊踐志我尚山水行子歸棲息地一  
操臨流袂上聳干雲轡獨往倦危途懷冲一作寡幽致  
賴爾還都期方將登樓遲

寒食寄京師諸弟

雨中禁火空齋冷江上流鶯獨坐聽把酒看花想諸弟

杜陵寒食草青青

歲日寄京師諸李端武等

獻歲抱深惻僑居念歸緣常患親愛離始覺世務牽少  
事河陽府晚守淮南孺平生幾會散已及蹉跎年昨日  
罷符竹家貧遂留連部曲多已去車馬不復全閒將酒  
為偶默以道自詮聽松南巖寺見月西澗泉為政無異  
術當責豈望遷終理一作來來時裝歸鑿杜陵田

簡盧陟



可憐白雪曲未遇知音人  
悽惶戎旅下蹉跎  
淮海瀕澗樹含朝雨  
山鳥哢餘春  
我有一瓢酒可以慰風塵

西澗即事示盧陟

寢扉臨碧澗晨起澹忘情  
空林細雨至圓文遍水生  
永日無餘事山中伐木聲  
知子塵喧久暫可散一作煩纓

登郡寄京師諸季淮南子弟

始罷永陽守復卧潯陽樓  
懸檻飄寒雨危堞侵一作江

流迨茲聞雁夜重憶別離秋  
徒有盈樽酒鎮此百端憂

寄黃尊師

結茅種杏在雲端，掃雪焚香宿石壇。  
靈祇不許世人到，忽作雷風登嶺難。

寄黃劉二尊師

廬山兩道士，各在一峰居。  
矯掌白雲表，晞髮陽和初。  
清夜降真侶，焚香滿空虛。  
一作廬中有無為樂，自然與世疎。

道尊不可屈，符守豈暇餘。  
高齋遙致敬，願示一編書。

秋夜寄丘二十二員外

懷君屬秋夜散步詠涼天山空松子落幽人應未眠

贈丘員外二首

高詞棄浮靡貞行表鄉閭未真南宮拜聊偃東山居大  
藩本多事日與文章疎每一覩之子高詠遂起予宵晝  
方連燕煩惱亦頓祛格言雅誨闕善謔矜數餘久跼思  
遊曠窮慘遇陽舒虎丘愜登眺吳門悵躊躇方此戀攜  
手豈云還舊墟告諸吳子弟文學為何如

跡與孤雲遠心將野鶴俱那同石氏子每到府門趨

贈李判官

良玉定為寶長材世所稀  
佐幕方巡郡奏命布恩威  
食  
疏程獨守飲冰節靡違  
決獄興邦頌高文稟天機  
賓館  
在林表望山啓西扉  
下有千畝田決滸吳土肥  
始耕已見穫  
衿絺今授衣  
政拙勞詳省淹留未得歸  
雖慙且忻願  
日夕覩光輝

寄皎然上人

吳興老釋子野雪蓋精廬  
詩名徒自振道心長晏如  
如想

茲棲禪夜見月東峰初鳴鐘

一作磬

驚巖壑焚香滿空虛

叨慕端成舊未識豈為疎願以碧雲思方君怨別餘茂  
苑文華地流水古僧居何當一遊詠倚閣吟躊躇

贈舊識

少年遊太學負氣茂諸生蹉跎三十載今日海隅行

復理西齋寄丘員外

前歲理西齋得與君子同迨茲已一周悵望臨春風始  
自疎林竹還復長榛叢端正良難久蕪穢易為功援斧

開衆鬱如師啓羣蒙庭宇還清曠煩抱亦舒通海隅雨  
雪霽春序風景融時物方如故懷賢思無窮

和張舍人夜直中書寄吏部劉員外

西垣草詔罷南宮憶上才月臨蘭殿出涼自鳳池來松  
桂生丹禁鴛鴦集雲臺託身各有所相望徒徘徊

和李二主簿寄淮上綦母三

滿城憐傲吏終日賦新詩請去聲報淮陰客春帆浪音作佐

期

寄二嚴

士良娶牧  
士玄柳牧

絲竹久已懶今日遇君快打破蜘蛛千道網總為鵲鴿

兩箇嚴

御定全唐詩卷一百八十八

謹案卷一百八十七第十三頁前二行及時策高  
步刊本策訛未據蘇州集改

卷一百八十八第三頁前三行夕響依山谷按蘇  
州集谷作郭







總校官庶吉士 臣 張能照

校對官檢討 臣 蕭九成

校對官檢討 臣 王鍾健

謄錄舉人 臣 張 昱

謄錄監生 臣 王心仁

欽定四庫全書薈要

集部

欽定全唐詩卷一百八十九至  
九十一

詳校官候補道政司經歷臣郭祚斌



欽定四庫全書會要卷一萬七千五百九十四集部

御定全唐詩卷一百八十九

韋應物

李五席送李主簿歸西臺

講告嚴程盡西歸道路寒欲陪鷹隼集猶戀鵲鷁單洛邑人全少高高雪尚殘滿臺誰不故報我在微官

送崔押衙相州

頃任內黃令

禮樂儒家子英豪燕趙風驅雞嘗理邑走馬却從戎白

刃千夫闢黃金四海同嫖姚  
恩顧下諸將指揮中別路  
憐芳草歸心伴塞鴻  
鄴城新騎滿魏帝舊臺空  
望闕應懷戀遭時貴立功萬方如已靜  
何處欲輸忠

送宣城路錄事

江上宣城郡孤舟遠到時  
雲林謝家宅山水敬亭祠  
綱紀多閒日觀遊得賦詩都門且盡醉  
此別數年期

送李十四山東遊

一作山人東遊

聖朝有遺逸披膽謁至尊  
豈是質榮寵誓將救元元  
權

豪非所便書奏寢禁門高歌長安酒忠憤不可吞歟來  
客河洛日與靜者論濟世翻小事丹砂駐精魂東遊無  
復繫梁楚多大蕃高論動侯伯踈懷脫塵喧送君都門  
野飲我林中樽立馬望東道白雲滿梁園踟躕欲何贈  
空是平生言

送李二歸楚州

時李季弟牧楚  
州被訟赴急

情人南楚別復詠在原詩忽此嗟岐路還令泣素絲風  
波朝夕遠音信往來遲好去扁舟客青雲何處期

送閻家赴東川辟

冰炭俱可懷孰云熱與寒何如結髮友不得攜手懽晨  
登嚴霜野送子天一端祇承簡書命俯仰豸角冠上陟  
白雲嶠下冥玄壑湍離羣自有託歷險得所安當念反  
窮巷登朝成慨嘆

送令狐岫宰恩陽

大雪天地閉羣山夜來晴居家猶苦寒子有千里行行  
行安得辭荷此蒲壁榮賢豪爭追攀飲餞出西京樽酒

豈不歡暮春自有程離人起視日僕御促前征逶遲歲  
已窮當造巴子城和風被草木江水日夜清從來知善  
政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海湄名  
在翰墨場羣公正追隨如何從此去千里萬里期大海  
吞東南橫嶺隔地維建邦臨日域溫煥御四時百國共  
臻奏珍竒獻京師富豪虞興戎繩墨不易持州伯倚天



寵一作龍選還當翊丹墀子為門下生終始豈見遺所願酌

貪泉心不為磷緇上將玩國士下以報渴飢

送元倉曹歸廣陵

官閒得去住告別戀音徽一作輝舊國應無業他鄉到是

歸楚山明月滿淮甸夜鐘微何處孤舟泊遙遙心曲違

送唐明府赴溧水

三任縣事

三為百里宰已過十餘年祇嘆官如舊旋聞邑屢遷魚

鹽濱海利薑蔗傍湖田到此安眈俗琴堂又晏然

喜於廣陵拜覲家兄奉送發還池州

青青連枝樹冉冉久別離  
客遊廣陵中俱到若有期  
俯仰叙存歿哀腸發酸悲  
收情且為歡累日不知飢  
夙駕多所迫復當還歸池  
長安三千里歲宴獨何為  
南出登閭門驚聽左右吹  
所別諒非遠要令心不怡

送章八元秀才擢第往上都應制

決勝文場戰已酣  
行應辟命復才堪  
旅食不辭遊闕下  
春衣未換報江南  
天邊宿鳥生歸思  
關外晴山滿夕嵐

立馬欲從何處別都門楊柳正毵毵

送張侍御秘書江左覲省

莫歎都門路歸無駟馬車繡衣猶在篋芸

蓬一作閣已觀

書沃野收紅稻長江釣白魚晨冷亦可薦

潔一作名利欲

何如

賦得鼎門送盧耿赴任

名因定鼎地門對鑿龍山水北樓臺近城南車馬還稍  
開芳野靜欲掩暮鐘間去此無嗟屈前賢尚抱關

賦得浮雲起離色送鄭述誠

遊子欲言去浮雲那得知偏能見行色自是獨傷離晚  
帶城遙暗秋生峰尚竒還因朔吹斷疋馬與相隨

餞雍書之潞州謁李中丞

鬱鬱雨

一作兩

相遇出門草青青酒酣拔劍舞慷慨送子

行驅馬涉大河日暮懷洛京前登大行路志士亦未平  
薄遊五府都高步振英聲主人才且賢重士百金輕絲  
竹促飛觴夜醺達晨星娛樂易淹暮諒在執高情

上東門會送李幼舉南遊徐方

離絃既罷彈樽酒亦已闌聽我歌一曲南徐在雲端雲  
端雖云邈行路本非難諸侯皆愛才公子遠結歡濟濟  
都門宴將去復盤桓令姿何昂昂良馬遠遊冠意氣且  
為別由來非所歎

送洛陽韓丞東遊

仙鳥何飄飄綠衣翠為襟顧我差池羽咬咬懷好音徘徊  
洛陽中遊戲清川尋神交不在結歡愛自中心駕言

忽徂征雲路邈且深朝遊尚同咏夕息當異林出餞宿  
東郊列筵屬城陰舉酒欲為樂憂懷方一作沈沈

送鄭長源

少年一相見一作得飛轡河洛間歡遊不知罷中路忽言

還泠泠鷓絃哀悄悄冬夜聞丈夫雖耿介遠別多苦顏  
君行拜高堂速駕難久攀雞鳴儔侶發朔雪滿河關須  
臾在今夕罇酌且循環

送李儋

別離何從生乃在親愛中反念行路子拂衣自西東日

吳不留宴嚴車出崇墉行遊

一作役

非所樂端憂

一作處

道

未通

一作窮

春野百卉發清川思無窮芳時坐離散世事

誰可同歸當掩重關默默想音容

賦得暮雨送李胄

一作渭

楚江微雨裏建業暮鐘時漠漠帆來重冥冥鳥去遲海  
門深不見浦樹遠含滋相送情無限沾襟比散絲

留別洛京親友

握手出都門，駕言適京師。豈不懷舊廬，惆悵與子辭。  
麗日坐高閣，清觴醺華池。昨遊倏已過，後遇良未知。  
念結路方永，歲陰野無暉。單車我當前，一作暮雪子獨歸臨去  
流一云漸遙一相望，零淚忽沾衣。

賦得沙際路送從叔象

獨樹沙邊人跡稀，欲行愁遠暮鐘時。  
野泉幾處侵應盡，不遇山僧知問誰。

送榆次林明府



無嗟千里遠亦是宰王畿策馬雨中去逢人關外稀  
邑傳榆石在路遠晉山微別思方蕭索新秋一葉飛

雜言送黎六郎

壽陽公之子

冰壺見底未為清少年如玉有詩名聞話嵩峰多野寺  
不嫌黃綬向陽城朱門嚴訓朝辭去騎出東郊滿飛絮  
河南庭下拜府君陽城歸路山氛氲山氛氲長不見釣  
臺水淥荷已生少姨廟寒花始徧縣閑吏傲與塵隔移  
竹疏泉常岸憤莫言去作折腰官豈似長安折腰客

天長寺上方別子西有道

時任京兆府功曹攝高陵宰別田曹盧康

戶曹韓質

因而有作

假邑非拙素況乃別伊人聊登釋氏居攜手戀

念一作茲

晨高曠出塵表逍遙滌心神青山對芳苑列樹遠

盈一作

通津車馬無時絕行子倦風塵今當遵往路佇立欲何  
申唯持貞白志以慰心所親

送黎六郎赴陽翟少府

試吏向高陽春山躑躅芳腰垂新綬色衣滿舊芸香喬

樹別時綠客程關外長祇應傳善政日夕慰高堂

送別覃孝廉

思親自當去不第未蹉跎家住青山下門前芳草

一作流水

多秭歸通遠徼巫峽注驚波州舉年年事還期復幾何

送開封盧少府

雄藩車馬地作尉有光輝滿席賓常侍

一作待

闐街燭夜

歸關河征旆遠烟樹夕陽微到處無留滯梁園花欲稀

送槐廣落第歸揚州

下第常稱屈少年心獨輕拜親歸海畔似舅得詩名晚  
對青山別遙尋芳草行還期應不遠寒露濕蕪城

送汾城王主簿

少年初帶印汾上又經過芳草歸時徧情人故郡多禁  
鐘春雨細宮樹野烟和相望東橋別微風起夕波

送澠池崔主簿

邑帶洛陽道年年應此行當時匹馬客今日縣人迎暮  
雨投關郡春風別帝城東西殊不遠朝夕待佳聲

送顏司議使蜀訪圖書

軺駕一封急

傳一作

蜀門千嶺曠詎分江轉字但見路緣

雲山館夜聽雨秋猿獨叫羣無為久留滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨送行依  
微吳苑樹迢遞晉陵城慰此斷行別邑人多頌聲

贈別河南李功曹

宏辭登科拜官

耿耿抱私戚寥寥獨掩扉臨觴自不飲況與故人違故

人方琢磨瓌朗代所稀憲禮更右職文翰灑天機聿一作  
竭來自東山羣彥仰餘輝談笑取高第綰綬即言歸洛  
都遊燕地千里及芳菲今朝章臺別楊柳亦依依雲霞  
未改色山川猶夕暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁謝公寒  
原正蕪漫一作沒夕鳥自西東秋日不堪別淒淒多朔風

宴別幼遐與君貺兄弟

乖闕

潤一作

意方

云一作

弭安知忽來翔累日重歡宴一旦

復離傷置酒慰茲夕秉燭坐華堂契濶未及展晨星出

東方征人慘已辭車馬儼成

一作來

裝我懷自無歡原野

滿春光

一作芳

羣水含時澤野雉鳴朝陽平生有壯志不

覺淚霑裳況自守空宇日夕但徬徨

### 送宣州周錄事

清時重儒士糾郡屬伊人薄遊長安中始得一交親英  
豪若雲集錢別塞城闈高駕臨長路日夕起風塵方念

清宵宴已度芳林春從茲一分手緬邈吳與秦但覩年  
運駛安知後會因唯當存令德可以解悃勤

謝櫟陽令歸西郊贈別諸友生

結髮仕一作事州縣蹉跎在文墨徒有排雲心何由生羽

翼幸遭明盛日萬物蒙生植獨此抱微疴頽然謝斯職

大歷十四年六月二十三日自鄆縣制除櫟陽令以疾辭歸善福精舍七月二十日賦此詩世道方

荏苒郊園思偃息為歡日已延君子情未極馳觴一作驅馳

忽云晏高論良難測遊步清都宮迎風嘉樹側晨起西



郊道原野分黍稷自樂陶唐人服勤在微力佇君列丹  
陛出處兩為得

送端東行

世承清白遺

一作世事  
留清白

躬服古人言從官

一作  
宦

俱守道

歸來共閉門驅車何處去暮雪滿平原

送姚孫還河中

孫一  
作系

上國旅遊罷故園生事微風塵滿路起行人何處歸留  
思芳樹飲惜別暮春暉幾日投關郡河山對掩扉

始除尚書郎別善福精舍

建中二年四月十九日自前櫟陽令除尚

書比部

員外郎

簡略非世器委身同草木逍遙精舍居飲酒自為足累  
日曾一櫛對書常懶讀社臘會高年山川恣遊矚明世  
方選士中朝懸美祿除書忽到門冠帶便拘束愧忝郎  
署跡謬蒙君子錄俯仰垂華纓飄颻翔輕轂行將親愛  
別戀此西澗曲遠峰明夕川夏雨生衆綠迅風飄野路  
一作吹  
往路 回首不遑宿明晨下烟閣白雲在幽谷

送常侍御却使西蕃

歸奏聖朝行萬里却銜天詔報蕃臣  
本是諸生守文墨今將匹馬靜烟塵  
旅宿關河逢暮雨春耕亭鄣識遺民  
此去多應收故地寧辭沙塞往來頻

送郝詹事

聖朝列羣彥穆穆佐休明  
君子獨知止懸車守國程  
忠良信舊德文學播英聲  
既獲天爵美況將齒位并書奏  
蒙省察命駕乃東征  
皇恩賜印綬歸為田里榮  
朝野同

稱歎園綺鬱齊名長衢軒蓋集飲餞出西京時屬春陽  
節草木已含英洛川當盛宴斯焉為達生

送蘇評事

季弟仕譙都元兄坐蘭省言訪始忻忻念離當耿耿嗟  
峨眉雲起迢遰山川永登高望去塵紛思終難整一作  
罄

送李侍御益赴幽州幕

二十揮篇翰三十窮典墳辟書五府至名為四海聞始  
從車騎幕今赴嫖姚軍契濶晚相遇草感遽離羣悠悠

行子遠眇眇川途分登高望燕代日夕生夏雲司徒擁  
精甲誓將除國氛儒生幸持斧可以佐功勳無言羽書  
急坐闕相思文

自尚書郎出為滁州刺史

留別朋友  
兼示諸弟

少年不遠任秉笏東西京中歲守淮郡奉命乃征行素  
慙省閣姿況忝符竹榮効愚方此始顧私豈獲并徘徊  
親交戀愴恨昆友情日暮風雪起我去子還城登塗建  
隼旗勒駕望承明雲臺煥中天龍闕鬱上征晨興奉早

朝玉露霑華纓一朝從此去服膺理庶吐皇恩儻歲月  
歸復廁羣英

送元錫揚凌

荒林翳山郭積水成秋晦端居意自違況別親與愛歡  
筵慊未足離燈悄已對還當掩郡閣佇君方此會

送楊氏女

永日方感感出門復悠悠女子今有行大江沂輕舟爾  
輩况無恃撫念益慈柔幼為長所育

幼女為楊氏所撫育

兩別泣

不休對此結中腸義往難復留自小闕內訓

言早無恃

事姑

貽我憂賴茲託令門仁恤庶無尤貧儉誠所尚資從豈

待一作周孝恭遵婦道容止順其猷別離在今晨見爾

在

當何秋居閒始自遣臨感忽難收歸來視幼女零淚緣

纓流

送中弟

一作送崔肅懿

秋風一作氣入疎戶離人起晨朝山郡多風雨西樓更蕭

條嗟子淮海老送子關河遙同來不同去沈憂寧復消

寄別李儋

首戴惠文冠，心有決勝籌。  
翩翩四五騎，結束向并州。  
名

在相公幕

一作府

丘山恩未酬，妻子不及顧。  
親友安得留

宿昔同文翰，交分共綢繆。  
忽枉別離札，涕淚一交流。  
遠

郡卧殘疾

一作雨

涼氣滿西樓，想子臨長路。  
時當淮海秋

送倉部蕭員外院長存

襆被蹉跎老江國，情人邂逅此相逢。  
不隨鴛鴦朝天去

遙想蓬萊臺閣重



送王校書

同宿高齋換時節  
共看移石復栽杉  
送君江浦已惆悵  
更上西樓看遠帆

送丘員外還山

長棲白雲表  
覽訪高齋宿  
還辭郡邑  
誼歸泛松江  
綠結茅隱蒼嶺  
伐薪響深谷  
同是山中人  
不知往來躅  
靈芝非庭草  
遼鶴委一作匪池鷺  
終當署里門  
一表高陽族

重送丘二十二還臨平山居

歲中始再覲方來又解攜纔留野艇語已憶故山棲幽  
澗人夜汲深林鳥長啼還持郡齋酒慰子

一作此

霜露淒

### 送鄭端公弟移院常州

時瞻憲臣重禮為內兄全公程儻見責私愛信不慙況  
昔陪朝列今茲俱海壖清觴方對酌

一作笑燕

天書忽告遷

豈徒咫尺地使我心思綿應當自此始歸拜雲臺前

### 送房杭州

孺復

專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣  
英聲頗籍甚交辟迺時珍  
繡

衣過舊里驄馬輝四鄰

一作輝光  
耀四鄰

敬恭尊郡守牋簡具

州民謬忝誠所愧思懷方見申  
置榻宿清夜加籩醢良

辰遵塗還盛府行舫遠長津  
自有賢方伯得此文翰賓

聽江笛送陸侍御

同丘員  
外賦題

遠聽江上笛臨觴一送君  
還愁獨宿夜更向郡齋聞

送丘員外歸山居

郡閣始嘉宴青山憶舊居為君量革履且願住藍舉

送崔叔清遊越

忘茲適越意愛我郡齋幽野情豈好謁詩興一相留遠  
水帶寒樹閭門望去舟方伯憐文士無為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸侯人鄒  
生乃後來英俊亦罕倫為文頗瓌麗稟度自貞醇甲科  
推令名延閣播芳塵再命趨王畿請告奉慈親一鍾信

榮祿可以展歡欣昆弟俱時秀長衢當自伸聊從郡閣

暇美此時景新方將極娛宴已復及離晨

一云蕪後乃離辰一作燕

後省署慙再入江海綿十春今日閭門路握手子歸秦

送豆盧策秀才

歲交冰未

一作始又作水

津地卑海氣昏子有京師遊始發吳

閭門新黃含遠林微綠生陳根詩人感時節行道當憂

煩古來濩落者俱不事田園文如金石韻豈乏知音言

方辭郡齋榻為

一作已

酌離亭樽無為倦羈旅一去高飛

翻

送王卿

別酌春林啼鳥稀  
雙旌背日晚風吹  
却憶回來花已盡  
東郊立馬望城池

送劉評事

聲華滿京洛  
藻翰發陽春  
未遂鵷鴻舉  
尚為江海賓  
吳中高宴罷  
西上一遊秦  
已想函關道  
遊子冒風塵  
籠禽羨歸翼  
遠守懷交親  
況復歲云暮  
凜凜冰霜辰  
旭霽開

郡閣寵餞集文人洞庭摘朱實松江獻白鱗丈夫豈恨  
別一酌且歡忻

送雷監赴闕庭

才大無不備出入為時須雄藩精理行祕府擢文儒詔  
書忽已至焉得久踟躕方丹趨朝謁觀者盈路衢廣筵  
列衆賓送爵無停迂攀餞誠愴恨一作悴賀榮且歡娛長  
陪柏梁宴日向丹墀趨時方重右職蹉跎獨海隅

送秦系赴潤州

近作新婚鑷白髯長懷舊卷映藍衫更欲攜君虎丘寺  
不知方伯望征帆

送孫徵赴雲中

黃驄少年舞雙戟目視傍人皆辟易百戰曾誇隴上兒  
一身復作雲中客寒風動地氣蒼芒橫吹先悲出塞長  
敲石軍中傳夜火斧冰河畔汲朝漿前鋒直指陰山外  
虜騎紛紛翦應碎匈奴破盡看君歸金印酬功如斗大



御定全唐詩卷一百八十九

欽定四庫全書薈要卷一萬七千五百九十五

集部

御定全唐詩卷一百九十

韋應物

期盧高枉書稱日暮無馬不赴以詩答

佳期不可失終願枉衡門南陌人猶度西林日未昏庭  
前空倚杖花裏獨留樽莫道無來駕知君有短轅

任洛陽丞答前長安田少府問

相逢且對酒相問欲何如數歲猶卑吏家人笑著書告

歸應

一作今

未得榮官又知疎，日日生春草。空令憶舊居。

假中枉盧二十二書，亦稱卧疾。兼訝李二久不訪問，以詩荅書，因亦戲李二。

微官何事勞趨走，服藥閒眠養不才。  
花裏甚盤憎鳥汙，枕邊書卷訝風開。  
故人問訊緣同病，芳月相思阻一杯。  
應笑王戎成俗物，遙持麈尾獨徘徊。

酬盧嵩秋夜見寄五韻

喬木生涼月，華滿前墀去。君咫尺地，勞君千里。

一作萬

思素秉棲遁志況貽招隱詩坐見林木榮

一云坐損  
經濟策

願

赴滄洲期何能待歲晏攜手當此時

盧詩云歲  
晏以為期

酬鄭戶曹驪山感懷

蒼山何鬱盤飛閣凌上清先帝昔好道下元朝百靈白  
雲已蕭條麋鹿但縱橫泉水今尚煖舊林亦青青我念  
綺襦歲扈從當太平小臣職前驅馳道出灞亭翻翻日  
月旗殷殷擊鼓聲萬馬自騰驤八駿按轡行日出烟嶠  
綠氛氳麗層甍登臨起遐想沐浴懽聖情朝燕詠無事

時豐賀國禎日和絃管音下使萬室聽海內奏朝貢賢  
愚共歡榮合沓車馬喧西聞長安城事往世如寄感深  
迹所經申章報蘭藻一望雙涕零

答李澣三首

孤客逢春暮緘情寄舊遊海隅人使遠書到洛陽秋  
馬卿猶有壁漁父自無家想子今何處扁舟隱荻花  
林中觀易罷溪上對鷗閒楚俗饒辭客何人最往還

酬柳郎中春日歸揚州南郭見別之作

廣陵三月花正開花裏逢君醉一迴南北相過殊不遠  
暮潮從去早潮來

酬豆盧倉曹題庫壁見示

掾局勞才子新詩動洛川運籌知決勝聚米似論邊宴  
罷常分騎晨趨又比肩莫嗟年髮改郎署定推先

酬李儋

開門臨廣陌旭日車駕喧不見同心友徘徊憂且煩都  
城二十里居在艮與坤人生所各務乖濶累朝昏湛湛

罇中酒青青芳樹園緘情未及發先此枉瓊璫邁世超

一作躡高躡尋流得真源明當策疲馬與子同笑言

酬元偉過洛陽夜燕

三載寄關東所懽皆遠違思懷方耿耿忽得觀容輝親  
燕在良夜歡攜闈中闈問我猶杜門不能奮高飛明燈  
照四隅炎炭正可依清觴雖云酌所媿乏珍肥晨裝復  
當行寥落星已稀何以慰心曲佇子西還歸

酬韓質舟行阻凍

晨坐枉嘉藻持此慰寢興中獲辛苦奏長河結陰冰皓  
曜羣玉發淒清孤景凝一作澄至柔反成堅造化安可恒  
方舟未得行鑿飲空兢兢寒苦彌時節待泮豈所能何  
必涉廣川荒衢且升騰殷勤宣中意庶用達吾朋

李博士弟以余罷官居同德精舍共有伊陸名  
山之期久而未去枉詩見問中云宋生昔登覽  
末云那能顧蓬華直寄鄙懷聊以為答

初夏息衆緣雙林對禪客枉茲芳蘭藻促我幽人策冥



搜企前哲逸句陳往迹鬢髯陸渾南迢遞千峰碧從來  
遲高駕自顧無物役山水心所娛如何更朝夕晨興涉  
清洛訪子高陽宅莫言往來踈駕馬知阡陌

寄酬李博士永寧主簿叔廳見待

解鞍先幾日欵曲見新詩定向公堂醉遙憐獨去時葉  
霜寒雨落鐘度遠山遲晨策已云整當同林下期

答令狐士曹獨孤兵曹聯騎暮歸望山見寄

共愛青山住近南行牽吏役背雙駝枉書獨宿對流水

遥羨歸時滿夕嵐

答李博士

休沐去人遠高齋出林杪晴山多碧峰  
顛氣疑秋曉端居喜良友枉使千里路  
緘書當夏時開緘時已度簷鷓已飄颺  
荷露方蕭颯夢遠竹窓幽行稀蘭徑合  
舊居共南北往來只如昨問君今為誰  
日夕度清洛

答劉西曹

時為京兆功曹

公館夜云寂微涼羣樹秋西曹得時彥  
華月共淹留長

嘯舉清觴志氣誰與儔  
千齡事雖邈俯念忽已周  
篇翰如雲興京洛  
頗優游  
詮文不獨古  
理妙即同流  
淺劣見推許  
恐為識者尤  
空慙文壁贈  
日夕一作不能酬

答貢士黎逢

時任京兆功曹

茂等一作方上達  
諸生安可希  
栖神澹物表  
渙汗布令

詞如彼崑山玉  
本自有光輝  
鄙人徒區區  
稱歎亦何為

彌月曠不接  
公門但一作驅馳  
蘭章忽有贈  
持用慰所

思不見心尚一作密  
况當相見時

答韓庫部

協

良玉表貞度麗藻頗為工名列金閨籍心與素士同日  
晏下朝來車馬自生風清宵有佳興皓月直南宮矯翮  
方上征顧我邈忡忡豈不願攀舉執事府庭中智乖時  
亦蹇才大命有一作為通還當以道推解組守蒿蓬

荅崔主簿倬

朗月分林靄遙管動離聲故驩良已阻空宇澹無情窈  
窕雲雁沒蒼茫河漢橫蘭章不可荅冲襟徒自盈

荅徐秀才

鈇鈍謝貞器時秀猥見稱豈如白玉仙

一作山鶴

方與紫

霞升清詩舞艷雪孤抱瑩玄冰一枝非所貴懷書思武

一作且茂陵

荅東林道士

紫閣西邊第幾峰茅齋夜雪虎行蹤遙看黛色知何處

欲出山門

一作欲向西山

尋暮鐘

荅長寧令楊轍

皓月升林表，公堂滿清輝。嘉賓自遠至，觴飲夜何其。  
宰邑視京縣，歸來無寸資。瓌文溢衆寶，雅正得吾師。  
廣川含澄澗，茂一作芳樹擢華滋。短才何足數，枉贈媿妍詞。  
歡盼良見屬，素懷亦已披。何意雲棲翰，不嫌蓬艾卑。  
但恐河漢没，回車首路岐。

荅馮魯秀才

晨坐枉瓊藻，知子返中林。澹然山景晏，泉谷響幽禽。  
鬢髻謝塵跡，逍遙舒道心。顧我腰間綬，端為華髮侵。  
簿書

勞應對篇翰曠不尋薄田失鋤耨生苗安可任徒令慙  
所問想望東山岑

荅崔主簿問兼簡溫上人

緣情生衆累晚悟依道流諸境一已寂了將身世浮閒  
居澹無味忽復四時周靡靡芳草積稍稍新篁抽即此  
抱餘素塊然誠寡儔自適一忻意愧蒙君子憂

清都觀荅幼遐

逍遙仙家子日夕朝玉皇興高清露沒渴飲瓊華漿解

組一來欵披衣拂天香粲然顧我笑綠簡發新章泠泠  
如玉音一作響馥馥若蘭芳浩意坐盈此月華殊未央却  
念誼譁日何由得清涼疎松抗一作批高殿密竹陰長廊  
榮名等糞土攜手隨風翔

善福精舍荅韓司錄清都觀會宴見憶

弱志厭衆紛抱素寄精廬皦皦仰時彥悶悶平聲獨為愚

之子亦辭秩高蹤罷馳驅忽因西飛禽贈我以瓊琚始  
表仙都集復言歡樂殊人生各有因契濶不獲俱一來



田野中日與人事疎水木澄秋景逍遙清賞餘枉駕懷  
前諾引領豈斯須一作須臾無為便高翔邈矣不可迂

荅長安丞裴說

出身忝時士於世本無機爰以林壑趣遂成頑鈍姿臨  
流意已淒采菊露未稀舉頭見秋山萬事都若遺獨踐  
幽人蹤邈將親友違髦士佐京邑懷念枉貞詞久雨積  
幽抱清罇宴良知從容操劇務文翰方見推安能戢羽  
翼顧此林栖時

奉酬處士叔見示

挂纓守貧賤積雪卧郊園叔父親降趾靈觴攜到門高  
齋樂宴罷清夜道心存即此同疎氏可以一忘言

荅庫部韓郎中

高士不羈世頗將榮辱齊適委華冕去欲還幽林栖雖  
懷承明戀忻與物累睽逍遙觀運流誰復識端倪而我  
宣高一作能致偃息平門西愚者世所遺沮溺共耕犁風  
雪積深夜園田掩荒蹊幸蒙相思札款曲期見攜

荅暢校書當

偶然棄官去投跡在田中日出照茅屋園林

一作養愚  
種園

蒙雖云無一資罇酌會不空且忻百穀成仰嘆造化功

出入與民伍作事靡不同時伐南澗竹夜還澧水東貧

蹇自成退豈為高人蹤覽君金玉篇彩色發我容

一作蒙

日月欲為報方一作春已徂冬

歷

荅崔都水

深夜竹亭雪孤燈案上書不遇無為化

一作誰復得閒

居

酬令狐司錄善福精舍見贈

野寺望山雪空齋對竹林我以養愚地生君道者心

澧上精舍答趙氏外生伉

遠跡出塵表寓身雙樹林如何小子伉

一作弟

亦有起世

心擔書從我遊攜手廣川陰雲開夏郊綠景晏青山沈

對榻遇清夜獻詩合

一作全

雅音所推苟禮數於性道豈

深隱拙在冲默經世味古今無為率爾言可以致華簪

答趙氏生伉

暫與雲林別，忽陪鴛鴦翔。看山不得去，知爾獨相望。

答端

郊園夏雨歇，閒院綠陰生。職事方無效，幽賞獨違情。物色坐如見，離抱悵多盈。沉感夕涼氣，聞此亂蟬鳴。

答史館張學士段

一作同

柳庶子學士集賢院看

花見寄兼呈柳學士

班揚秉文史，對院自為鄰。餘香掩閣去，遲日看花頻。似

雪飄閭闔從風點近臣  
南宮有芳樹不並禁垣春

答王郎中

卧閣在芳藻覽旨悵秋晨  
守郡猶羈寓無以慰嘉賓  
野曠歸雲盡天清曉露新  
池荷涼已至牕梧落漸頻  
風物殊京國邑里但荒榛  
賦繁屬軍興政拙媿斯人  
髦士久臺閣中路一漂淪  
歸當列盛朝一作明豈念卧淮濱

答崔都水

亭亭心中人迢迢居秦關  
常緘素札去一作問適在華章

還憶在澧郊時攜手望秋山久嫌官府勞初喜罷秩閒  
終年不事業寢食長慵頑不知為時來一作何為來名籍挂

郎間攝衣辭田里華簪耀顏顏卜居又依仁日夕正追  
攀救人本無術命至苟復遷離念積歲序歸途眇山川  
郡齋有佳月園林含清泉同心不在宴蹲酒徒盈前覽  
君陳迹遊詞意俱悽妍忽忽已終日將詘不能宣忙稅  
况重疊公門極熬煎責逋甘首免一作退歲晏當歸田勿

厭守窮轍

一作賤

慎為名所牽

答王卿送別

去馬嘶春草歸人立夕陽元知數日別要使兩情傷

答裴丞說歸京所獻

執事頗勤久行去亦傷乖家貧無僮僕吏卒升寢齋衣  
服藏內篋藥草曝前階誰復知次第濩落且安排還期  
在歲晏何以慰吾懷

答裴處士

遺民愛精舍乘犢入青山來署高陽里不遇白衣還禮



賢方化俗聞風自歎關况子逸羣士栖息蓬蒿間

荅楊奉禮

多病守山郡自得接嘉賓不見三四日曠若十餘旬臨  
觴獨無味對榻已生塵一詠舟中作灑雪忽驚新烟波  
見棲旅景物具昭陳秋塘惟落葉野寺不逢人白事廷  
吏簡閒居文墨親高天池閣靜寒菊霜露頻應當整孤  
棹歸來展殷勤

荅端

坐憶故園人已老，寧知遠郡雁還來。  
長瞻西北是歸路，獨上城樓日幾迴。

荅僦奴重陽二甥

僦奴趙氏甥位  
重陽崔氏甥播

棄職曾守拙，翫幽遂忘喧。  
山澗依磽磳，竹樹蔭清源。  
貧

居烟火濕

一作絕

歲熟梨棗繁，風雨飄茅屋。  
蒿草沒瓜園

羣屬相歡悅，不覺過朝昏。  
有時看禾黍，落日坐秋原。  
飲酒任真性，揮筆肆狂言。  
一朝忝蘭省，三載居遠藩。  
復與

諸弟子篇翰，每相數西園。  
休習射南池，對芳樽山藥

一作一

苗  
經雨碧海榴凌霜翻念爾不同此悵然復一論重陽  
守故家僦子旅湘沅俱有緘中藻惻惻動離魂不知何  
日見衣上淚空存

荅重陽

省札陳往事愴憶數年中一身朝北闕家累守田農望  
山亦臨水暇日每來同性情一踈散園林多清風忽復  
隔淮海夢想在澧東病來經時節起見秋塘空城郭連  
榛嶺鳥雀噪溝叢坐使驚霜鬢撩亂已如蓬

酬劉侍郎使君

劉太真

瓊樹凌霜雪，葱蒨如芳春。英賢雖出守，本自玉階人。宿昔陪郎署，出入仰清塵。孰云俱列郡，比德豈為鄰。風雨飄海氣，清涼悅心神。重門深夏晝，賦詩延衆賓。方以歲月舊，每蒙君子親。繼作郡齋什，遠贈荆山珍。高間一作山城庶務理，遊眺景物新。朋友亦遠集，燕酌在佳辰。始唱已慙拙，將酬益難伸。濡毫意僂俛，一用寫悃勤。

答令狐侍郎

令狐峴

一凶迺一吉一是復一非孰能逃斯理亮在識其微三  
黜故無愠高賢當庶幾但以親交戀音容邈難希况昔  
別離久俱忻藩守歸朝宴方陪厠山川又乖違吳門冒  
海霧峽路凌連磯同會在京國相望涕沾衣明時重英  
才當復列彤闈白玉雖塵垢拂拭還光輝

酬張協律

昔人鬻春地今人復一賢屬余藩守日方君卧病年麗  
思阻文一作交宴芳蹤闕賓筵經時豈不懷欲往事屢牽

公府適煩倦開緘瑩新篇非將握中寶何以比其妍感  
茲棲寓詞想復痾瘵纏空宇風霜交幽居情思綿當以  
貧非病孰云白未玄邑中有其人憔悴即我愆由來牧  
守重英俊得薦延匪人等鴻毛斯道何由宣遭時無早  
晚蘊器俟良緣觀文心未衰勿藥疾當痊一云當  
自痊晨期  
簡牘罷馳慰子忡然

荅秦十四校書

秦系

知掩山扉三十秋魚須翠碧弃牀頭莫道謝公方在郡

五言今日為君休

荅賓

斜月纔鑿帷凝霜偏冷枕持情須耿耿故作單牀寢

荅鄭騎曹青橘絕句

一作故人重九日  
求橘書中戲贈

憐君卧病思新橘試摘猶酸亦未黃書後欲題三百顆  
洞庭須待滿林霜

奉和聖製重陽日賜宴

聖心憂萬國端居在穆清玄功致海宴錫讌表文明恩

屬重陽節雨應此時晴寒菊生池苑高樹出宮城捧藻  
千官處垂戒百王程復覩開元日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲一作仲待言

歸亭高性情曠職密交遊稀賦詩樂無事解帶偃南扉

陽春美時澤旭霽望山暉幽禽響一作幽鳥未轉東原綠

猶微名雖列僊爵心已遣一作遺座機即事同巖隱聖渥

良難違



奉和張大夫戲示青山郎

天生逸世姿竹馬不曾騎  
覽卷冰將釋援毫露欲垂  
金貂傳幾葉玉樹長新枝  
榮祿何妨早甘羅亦小兒

荅河南李士巽題香山寺

洛都遊宦日少年攜手行  
投杯起芳席總轡振華纓  
關塞有佳氣巖開伊水清  
攀林憇佛寺登高望都城  
蹉跎二十載世務各所營  
茲賞長在夢故人安得并  
前歲守九江恩詔赴咸京  
因塗再登歷山河屬晴明  
寂寞僧侶

少蒼茫林木成牆宇或崩剝不見舊題名舊遊况存歿  
獨此淚交橫交橫誰與同書壁貽友生今茲守吳郡綿  
思方未平子復經陳迹一感我深情遠蒙惻愴篇中有  
金玉聲反覆終難荅金玉尚為輕

荅故人見諭

素寡名利心自非周圓器徒以歲月資屢蒙藩條寄時  
風重書札物情敦貨遺機杼十縑單慵踈百函愧常負  
交親責且為一官累况本濩落人歸無置錐地省已已

知非枉書見深致雖欲効區區何由枉其志

酬閻員外陟

寒夜阻良覲叢竹想幽居虎符子已誤金丹子何如讌  
集觀農暇笙歌聽訟餘雖蒙一言教自愧道情疎

酬秦徵君徐少府春日見寄

一作奉酬秦徵君  
系春日撫州西亭

野望兼寄

徐少府

終日愧無政與君聊散襟城根山半腹亭影水中心  
詠竹牕靜野情花逕深那能有餘興不作剡溪尋

冬夜宿司空曙野居因寄酬贈

南北與山鄰蓬庵庇一身繁霜疑有雪荒草似無人  
遂性在耕稼所交惟賤貧何緣張掾傲每重德璋親

長安遇馮著

客從東方來衣上灞陵雨問客何為來

一作來何為

采山因

買芥冥冥花正開

一作滿

颺颺燕新乳昨別今已春鬢絲

生幾縷

將發楚州經寶應縣訪李二忽於州館相遇月

夜書事因簡李寶應

孤舟欲夜發，祇為訪情人。  
此地忽相遇，留連意更新。  
停杯嗟別久，對月言家貧。  
一問臨卽令，如何待上賓。

廣陵遇孟九雲卿

雄藩本帝都，遊士多俊賢。  
夾河樹鬱鬱，華館千里連。  
新知雖滿堂，中意頗未宣。  
忽逢翰林友，歡樂斗酒前。  
高文激頽波，四海靡不傳。  
西施且一笑，衆女安得妍。  
明月滿淮海，哀鴻逝長天。  
所念京國遠，我來君欲

一作還  
又旋

淮上遇洛陽李主簿

結茅臨古渡，卧見長淮流。  
牕裏人將老，門前樹已秋。  
寒山獨過雁，暮雨遠來舟。  
日夕逢歸客，那能忘舊遊。

路逢崔元二侍御避馬見招以詩見贈

一臺稱二妙，歸路望行塵。  
俱是攀龍客，空為避馬人。  
見招翻跼踖，相問良殷勤。  
日日吟趨府，彈冠豈有因。

逢楊開府

少事武皇帝，無賴恃恩私。  
身作里中橫，家藏亡命兒。  
朝

持一作空樗蒲局暮竊東鄰姬司隸不敢捕立在一一作

登

白玉墀驪山風雪夜長楊羽獵時一字都不識飲酒肆  
頑癡武皇升仙去憔悴被人欺讀書事已晚把筆學題  
詩兩府始收跡南宮謬見推非才果不容出守撫嫖嫠  
忽逢揚開府論舊涕俱垂坐客何由識惟有故人知

休暇日訪王侍御不遇

九日驅馳一日閒尋君不遇又空還怪來詩思清人骨  
門對寒流雪滿山

因省風俗訪道士姪不見題壁

去年澗水今亦流去年杏花今又拆  
山人歸來問是誰  
還是去年行春客



御定全唐詩卷一百九十